



تاریخ وادستان

۱۳۳۶ هـ



بر کون بیلنیر قیمتی مجموعه ملک اما
پاک چوق آرانیر اورتده مجموعه بولمنز

ایتدک شرف خدمت اجدادی فراموش
آمارینه اسلافزک رغبت اولمنز

ادیب محترم جعفر بك افندی طرفندن تودیع بیورلمشدر

محترم جعفر بك افندی

حضرت (امیری) نك كمال غیرتله نشر ایتمکده اولدینی مجموعه نفیسه نك صوك نسخه سنده مندرج شقه علیه لرینی قرائتله مبتهيج اولدم . حقیقت نه کوزل بر فکر میدانده قونولدی . ملتله هر کسندن اول پادشاهلریله شهزادگاننك آثار ادبییه سنی جمع ونشر ایتمك وجائبدن ایکن بو خصوص حضرت امیری ایله افندمزدن بشقه کیسه سینه نك خاطرینه بیله کلمدی . تمیلات علیه لرینی بك قابل حصول کوریرم . بونك چاره انفاذی بر جمعیت ادبییه تشکیلددر . حضرت امیری نك نام مبارکی بوجمعیته اضافه ایدیورسه موفقیتنه براءت استهلال اولور . و [امیری جمعیت ادبییه سی] هم امرای عثمانیه یی وهمده جناب امیری یی اخطار ایده چکی ایچون ذوالوجهین اولور .

میدانه قونیلان فکر و حقیقته تشکرله برابر افندمزدن بر رجام دها واردر ! اوده ادبیات عثمانیه نك صفحات تاریخیه سینه متعلق اولان محفوظات و مسموعات علیه لرینك نشریدر .

امید ایدرم که جناب امیری مجموعه سنده بونشریات ایچون بعض صحائفی حصر واحسان ایده بیلور . باقی «باقی مباد هر که نخواهد بقای تو» افندم

درویش علی زاده

۱۲ خزايران سنه ۱۳۳۶

عبدالرحمن عادل

— مجموعه —

بوعبد عاجز برسنه (عثمانلی تاریخ انجمنی) اعضاالفنده وبرماه قدرده دارالفنونده (آثار اسلامیه و ملیه تبع انجمنی) ریاستنده بولندم .

« بر جمع کوردم، که حکایتلری پریشان :

نه دوامدن آنده اثر وار

نه غیرتدن آنده نشان »

آنك ایچون ایکی انجمنندن ده چکلمکه مجبور اولدم .